


東方雜誌

東方雜誌

第十六卷 第五號

泰西名畫「沙汀夕照」(英人泰馬奇筆)



THE FORD

Algernon Talmage

巴 黎 和 會 中 之 人 物



1 美國大總統威爾遜氏 2 藍辛氏(美國國務總理) 3 桃德氏(美國前駐法公使) 4 哈何斯大佐(美國) 5 勃列斯將軍(美國軍事代表)
6 勞特喬治氏(英國首相) 7 貝爾福氏(英國外交大臣) 8 包那勞氏(英國國寶大臣) 9 巴痕斯氏(英國工黨代表) 10 法國總理克勒孟

沙氏 11 畢助氏(法國外交總長) 12 克陸士氏(法國財政總長) 13 泰爾求氏(法國) 14 康達氏(法國前駐德公使) 15 阿蘭都氏(意國首
相) 16 松尼諾男爵(意國外交大臣) 17 薩蘭特拉氏(意國前首相) 18 倍納希博士(波希米外交總長南斯拉夫代表)


巴 黎 和 會 之 人 物

氏(英國印度事務大臣印度代表) 30 印度弼加奈王 31 辛哈氏(英國印度事務副大臣印度代表) 32 牧野男爵(日本外交官) 33 珍田子爵(日本駐英大使) 34 松井氏(日本駐法大使) 35 畢耳似氏(波蘭) 36 特摩斯基氏(波蘭) 37 勃拉梯那氏(羅馬尼亞首相) 38 克拉馬爾士博士(南斯拉夫國代表)



19 派希區氏(塞國首相南斯拉夫代表) 20 巴爾敦氏(坎拿大首相) 21 福斯德氏(坎拿大商部總長) 22 陶赫斗氏(坎拿大司法總長) 23 許斯氏(澳洲首相) 24 斯密士將軍(南非洲) 25 波柴將軍(南非洲首相) 26 麥賽氏(新錫蘭首相) 27 華德氏(新錫蘭財政總長) 28 勞伊德氏(紐芬蘭首相) 29 蒙塔古


國際同盟委員會合影



前列自左而右一日本珍田子爵二日本牧野男爵三法國巴里斯四英國錫西爾五威爾遜六捷克克拉克馬爾士七希臘威尼齊洛士中列自左而右一美國哈爾斯大佐二波蘭特摩斯基三

塞國維斯尼哲四英國斯密士將軍五美國威爾遜總統六比國海孟士七中國顧維鈞八葡國森霍士九意國謝洛耶十法國賴特後列自左而右一朱詳二羅馬尼亞狄亞曼提三朱詳

法 國 總 理 克 勒 曼 氏 之 遇 險



克 勒 曼 氏 遇 險 時 所 乘 之 摩 托 車



兇 手 戈 丁 被 捕 入 警 署 之 狀
(右 角 即 無 政 府 黨 兇 手 戈 丁 之 像)

東方雜誌

第十七卷 第一號

中華民國九年一月十日發行

評論

本誌之希望

堅瓠

自本誌之出世。至今已十七年矣。而此第十七年。又適爲歐戰告終後之第一年。世局更新。則雜誌界亦不得不明定期的。以順應世界之潮流。今試舉其感想所及。與讀者一商榷焉。

雜誌界之職務。自以言論爲最重大。顧欲言論之不虛發。則第一必當擇言論所針對之方向。第二必當使言論有可以實行之憑藉。本誌以爲吾國一線之希望。惟在於社會自覺。而於操枋秉政之人無與。故今後之言論。亦將以促社會之自覺者居大部分。而不偏於政論之一方。而又以空虛無町畦之辭。於事實無裨益。徒足滋社會之迷惘。故今後所陳情於社會者。尤當注重於切實可行之具體問題。如本期所載之『論提倡國貨宜設消費協會』及『說協濟會』等篇。雖卑之無甚高論。然本誌則以爲此等問題。頗

次 目 誌

民國八年
五 月

●世界新智識(完).....薩君陸(二九)

●文苑.....(二三)

●賂史(續).....(二八)

●重臣傾國記(續).....趙尊嶽(二四)

●小說攷證附錄(續).....蔣瑞藻(二五)

●內外時報.....(一九)

諾貝爾獎金 近代文學之特質 參觀商務印書館英文函授學社紀略 中國鑛業

歷史 歐化枝譚 第四度量 藍晒圖紙之製法及用法 外交部公表各項密約

貿易自由論 興發美華貿易 太平洋海權將誰屬耶 中英藏問題之回顧 教育

部通咨現時製曆採用最新西法禁止採用舊法文 咄咄亞細亞主義 中國對外貿

易之鑛產 中國之羊毛 人類和平之根本觀 考察日本養蜂記 外洋各埠華商

之近況 五年來之中國鹽政 香港行政紀略 錫蘭島聞見 法國華貨銷場調查

記 橡皮之發展史


●法令.....(三五)

職官任免令

●中國大事記.....(三七)

插 畫

三色版泰西名畫『沙汀夕照』 巴黎和會中之人物二幅 國際同盟委員會合影 法國總理克勒曼梭之遇險二幅



第十六卷

第五號

中國興業之先決問題

高 勞

歐戰終結。世局更新。今後各國。咸將解甲釋戈。努力於實業之發展。中國不欲廁身於此舞臺則已。如欲頡頏其間。將持何方針。操何政策。以應此新經濟之潮流乎。夫發展實業。雖不外獎勵工商增進農產諸大端。然各國各有特殊之情勢。各有特殊之歷史。因而不能不有特殊之方策。不獨海洋國與大陸國。戰勝國與戰敗國。顯有區別也。即地位相同。而以原料多寡藝術精粗之

故。其步調亦不能無幾許之差異。且或有因過去事情。現在狀況。以及將來趨勢。而施以特種之糾正。以寓杜漸防微補偏救弊之意者。例如英美地位。固大略相同。然英之富源。多在屬地。美之物產。取諸國中。又如法意。雖同處歐陸。而物產之種類。與夫戰事損失之輕重。亦不一致。且戰後勞動界勢力陡增。各國對於勞動方面。不能不有所顧慮。而勞動勢力尤盛之國。其顧慮必更

周至。是則僅就歐美而論。已有不能從同者矣。吾國地位。與歐美懸殊。而實業界過去之事情。現在之狀況。亦復歧異。則其所以謀將來之發展。與夫杜漸防微。補偏救弊之計畫。當有其特殊者在。而不可不審度情勢。以求其適當也。

今之談興業者。多謂中國地廣民衆。物產繁富。苟仿歐美成法。次第開拓。並多儲實業人才。以備任使。則富國阜民。爲事至易。然中國趨步歐美。二十年矣。組公司。設工場。築鐵路。開礦產。歐美已事無不一。效顰而實業頹廢如故也。人才縱未昌盛。然國內實業學校。不下千餘。遊學海外專門學校卒業。以歸者。亦復不尠。而顧不獲收人才之效。人才亦懷抱技能。而無緣以自見。其故何耶。夫亦未審特殊之情勢。施以適當之方策而已。吾國特殊情勢。不止一端。而現時實業之不振。則首在創始之困難。蓋經營商業。非可以倉卒爲也。凡某業之物品。產額幾何。銷路何若。購買及售賣之價格。常在何度。

其爲舊式商業。則同業有無競爭。其爲新式商業。則國人是否需要。設非有真知灼見。而貿然從事。未有不遭挫折者。而吾國商業統計。微特詳贍者不可得。卽具體者亦無之。國內如是。國外更不待言矣。歐美國家。於其國內商業事項。均有詳確之記載。精密之比較。以供企業家之蒐討。其人民之僑居中國者。對於中國物品出產之多寡。風俗嗜好之變遷。亦極留意。以是之故。彼等知吾商情。較吾自知尤詳。其在吾國擴張事業。亦較吾自擴張爲易。夫吾國人。非無經營商業之才力也。母財雖絀。然用以發揚國產。尙無不足。徒以無表冊可資考鑑。遂致摘埴索塗。常蹈迷誤。轉不如外商之見事明瞭焉。今欲挽救此弊。宜先編輯統計。蓋統計之有裨於商業。猶輿圖之有裨於旅行。不徒可作臨時指導。且足供平日之瀏覽。以誘起其企業之興趣也。近日政府擬於駐外使館。添設商務專員。調查海外商業。然國內調查尤亟不容緩。此特殊方策之一也。經營商業。首重信用。

而大規模之新事業。其資本爲多數人集合而成。關係全國耳目。尤不宜忽視。設以信用墮落。而營業失敗。非特陷自身於破產。且足爲後來集資之障礙。二十年來。中國新創之公司。其能維持令譽。始終不渝者固多。而輕率將事。急遽圖功。組織不完。信用不著。或則假團體之財力。營個人之私利。張皇虛僞。義始貪終者。亦復不乏。此類情事。其足以阻害事業之發達。實匪淺鮮。吾人試回憶股分公司。初創時代。國人投資之興會。爲何如。今則懲前毖後。咸懷疑懼。觀望不前矣。此皆受不正當無信用之影響也。循是以往。國內貲財。必皆深閉固拒。不獲資爲開拓利源之用。甚或爲叢廠雀移。而存諸外國銀行。或投諸外商組織事業之中。則所謂地大物博者。亦徒供外人之腴削而已。故植立信用。實爲今日興業之先務。凡組織大公司者。均當實事求是。循正軌以進行。營業內容不宜祕密。對於一般股東。尤宜容納其意見。尊重其權利。庶社會曉然於股分事業之利多弊。

少而樂於輸貲也。此其二也。實業勝利。應從實業自身博得之。設有困難。亦應由自身戰勝之。不宜借助他力。以失其獨立之本能也。而中國近時之大事業。往往有官僚勢力混雜其中。其締造也。既仗權勢。而制勝機先。其營業也。復藉聲氣。以占取優勢。即或失利。亦因有與援之扶助。彌縫掩蓋。事較易而術較工。比年國內可操勝算之特種營業。其攫得之者。大抵含有官僚臭味。若此者。可名之曰官僚實業。官僚實業。愈益得勢。則普通實業。將受其迫壓。而愈益凋殘。夫使此種實業。果能增進國富。爭回利權。於國際貿易上。出一頭地。則猶得可償失也。無如彼之所以占勝者。全屬依賴之行爲。一旦遭逢外敵。非官僚勢力所能庇蔭。時即不免於撓敗。國內競爭。則有餘。國外競爭。則不足。其結果。亦惟摧殘同類。使國內實業。於外人侵蝕之後。復增一重之蹂躪而已。不寧維是。官僚實業。既事事占得優勝。於是以商業起家。本無官僚臭味者。亦不得不接近官僚。以保持其。

地位近來商家好與政界相往還。半亦由此。此種趨勢。足使實業界空氣日就腐敗。不加鏟除。而欲實業之興盛。不可得也。夫人民營業。固不能不賴政府之保護獎勵。然此爲公有之權利。當全國普及。而不可偏重。又西人國外經商。常藉政府威力爲後盾。顧彼僅施於國際。而未嘗濫行於國中。此非可誤用者也。此其三也。商業精神。首在經濟量入。爲出。操奇計贏。其所以能博鉅額之盈利者。皆銖積寸累而來者也。西洋巨大商店。雖建築若何崇闕。魄力若何雄壯。雇員雇工。不可數計。每日支用。累萬盈千。然其內容。仍謹守此經濟主義。凡費若干。之人力。必有若干之成功。耗若干之金錢。必有若干之收入。且其成功與收入。必足以償其所失。而有餘。未嘗付之虛耗也。吾國舊時商業。亦皆崇尚實際。不事鋪張。顧自濡染歐風以來。懾於外商規模之宏大。竭力摹倣。且以爲求大利者。不惜小費。成大事者。當冒萬險。於是一公司成立。不問其資本是否充盈。利益能否操券。

一切佈置。務求美備。因之營業。未經開始。而基金已耗去大半矣。其甚者。且欲藉此虛聲。聳動庸俗。以吸收存款。誘引資金。無論此欺飾行爲。矜張意氣。終必敗露也。卽幸得繼續維持。而開始之耗絀。亦有足貽後日無窮之累。以減衰其發展之力者。吾國財力。不逮西洋。商業上之經驗。亦無西洋人之熟練。更宜以經濟爲首務。人力財力。均當節儉用之。雖新式事業。與舊時不同。然不過貿易之方法。運用之手段。稍有殊異而已。根本要旨。初無二致也。此其四也。近年國內商業。漸具資本集中之傾向。此爲時勢所壓迫。固難獨異。然歐美各國。已因此而惹起社會之不寧。小資本公司及勞動者。不勝此勢力之逼壓。咸思反抗。而社會主義。乃乘時發生。大戰以還。形勢尤岌。彼都人士。方焦思苦慮。以調和此衝突。吾人宜引以爲鑑。先事預防。吾國素無資本專制之事。且經濟界。尙有發揮之餘地。本可不必效法。西洋惟風氣所趨。企業家頗有欲利用龐大貲金。以壓倒一切者。夫

以商人知識之幼稚。資本之薄弱。勞動者之愚昧。一旦施行資本專制。自不難睥睨一時。然國內小資本家及勞力者之數。較歐美爲多。若令其失業而陷於窮境。則其反動之烈。亦必較歐美爲甚。當此激烈的社會主義波動全球之際。尤不可不加以警戒。雖現今事業決非因陋就簡。如前此之小計畫。所能集事。而欲於國外有所活動。尤非大舉不爲功。然不宜有壟斷高壓之舉動。苟可發生經濟之紛擾。引起勞動之不平者。均當隨時避免。之蓋與其衝突。既生而始求調和。不如先事注意。之爲得也。此其五也。以上五者皆屬於工商問題。若夫農業。泛言之。固莫亟於改用新法。然按諸中國之現象。亦有特殊之點在焉。蓋用學理以增多出產。藉機械而節省人工。惟土地有限。勞力缺乏之國。乃爲適合中國荒地尙多。勞力過賸。目前要務宜先調劑人地。使土地無曠廢之患。人力有致用之途。然後徐圖革新。方收美滿之效果。不然者。無論民智未開。資力不足。無使用二

者之能力也。卽能使用。而東南人稠之地。益將無工可作。亦易發生動亂。歷年辦理墾荒。每詳於領地手續。絕未爲赴墾之農夫。圖謀便利。且領地之數。多以百畝爲率。徒便於資本家及大農家。而胼手胝足者流。不獲沾其實惠。故雖招墾多年。迄無成績。是宜改變方法。獎勵小農。而農民之領墾赴墾。及在墾地工作者。應予以種種之補助。日政府嘗減收舟車賃費。且貸與資金。以優待移植蒙滿之日人。故其農業日見開發。此當仿行者也。至如作物品種。雖關於嗜好贅澤上者。獲利較豐。然衣食爲生命之源。尤宜置重。歐戰之後。英人感於食料之不足。盡闢其國內荒地。開作麥田。園圃。隙地。悉栽薯蕷。歐陸諸國。亦主張多種食糧。日本前因絲茶出口旺盛。次第減少米作。多植茶桑。自經去歲米貴風潮。亦覺悟其失計。吾人不當蹈此覆轍。今後農作。仍宜以日用衣食所必需者爲本。位其他品種。則以餘力兼及之。吾國穀米。挹彼注茲。雖足自給。然以一部分輸出之故。南

方食米。時或仰給於暹羅。而麥粉一項。亦多自美輸入。設遇凶歉。將生恐慌。彼西洋及日本。金融交通。均極活潑。故雖饑饉。不難以巨貲購運而歸。我國財力。既絀。且

乏。國。外。航。運。之。機。關。縱。欲。乞。糴。亦。必。仰。人。鼻。息。多。所。阻。難。是。亦。不。可。不。預。爲。之。地。也。

爲今日報界進一言

王璋 自日本來稿

大戰結束。各國之外交內政。前此以武力爲後盾者。而今不能不代以輿論。製造整理國人之輿論者。報界也。前此以寡人勢力爲政者。而今不能不託諸平民。代表平民之意思者。報界也。且前此世界猶有局部之限。而今已聯盟見告。世運日趨於大同。發揮光大此主義者。亦報界也。斯報界戰後之責任。爲尤重且大矣。

通覽我國報紙。不能謂無平正通達之刊。其有因經濟及其他所限。不能驟爲改革者。亦在共諒之列。而滿紙糊塗。失去新聞之本旨。報紙之資格者。固比比皆是也。考其所以致此之原。良因當事者。於人間常識及專門新聞知識之缺乏。亦因惰性太深。不肯爲徹底之覺悟。故不能感化惡濁社會。而反爲惡濁社會所征服。至爲可惜。

余非記者。而愛讀新聞。又愛研究新聞之旨趣。觀東西

各國新聞事業之發達。研究斯道者之奮興。與其收效於國家民族者之偉大。臨淵羨魚。見獵心喜。謹掬此一得之愚。以餉我報界諸君。作者讀者。其均無過也乎。下舉數事。大都切指事實。有觸而發。信筆寫來。漫無系統。固非新聞學之論文也。讀者諒之。

一 新聞學研究之必要

在我國十數年前。報紙萌芽時期。略通時務之舉貢生員。亦可高據論壇。秉筆談天下事。其於古文辭涉獵較深者。卽成有名之記者。今也以時代之要求。與社會之需要。已非此舞文弄墨之流。所能勝任而快愉。此各國學校所以有新聞專科之設備。而報界亦重研究斯道之組織也。報紙之編輯。與名山之著作不同也。閱報者之情狀。與讀書者之心理不同也。報社之經營。與他種之營業亦不同也。必如何乃爲優良之報紙。必如何可

得優良報紙之材料。用何種編輯之法。方可言滿天下。無口過。以利國而福民。用何種經理之法。方可使社內與社外。交有利益。且報紙發達之國家。其報社組織之內容。與成敗利鈍之沿革。又如何乃可洞悉底蘊。俾資考鑑。此專門新聞學科。有不容不研究者也。英國著名記者列特氏嘗曰。「世界失敗之記者。皆因缺乏新聞專門之教育與組織上之練習所致也。」可謂至言。

二 宜抵禦新聞政策

當國家主義未破除之時。新聞記者。對於本國之阿其所好。已成公有之性質。是誠世界之憾事。若夫利用報社或通信社。製造種種訛言。以攪亂世人之觀聽。而遂其陰謀毒計者。則「新聞政策」也。此政策。德國頗獎勵之。日本效之。尤加厲焉。德與我國。利害衝突之點。較疏於日。其使用此政策之目標。不在遠東。而在歐美。日本於此項政策之用途。蓋以我國爲唯一之目的者也。其對於我國內部也。若京滿滬漢旅大等處。皆有其發行

之日刊。更有東方通信共同通信等社。以網羅傳布於其間。其要旨在迷惑我國報界之聰明。混淆我國社會之視聽。此項政策。在輿論健全之國家。頗難奏效。乃我國以輿論幼稚之故。受其愚弄欺騙者。蓋已不知幾何人。幾何事矣。余謂嗣後。第一當抵制此項通信之流傳。無論其通信之稿件爲何如。概不接收。即收受。亦不可囑圖登錄。第二當糾正其新聞之謬誤。揭摘其用意之所在。以警告國人。而不然者。其流禍將無所底止也。

三 宜亟自設大通信社

日本以通信社。施行其新聞政策。既如前述。然若吾國能自辦良好偉大之通信機關。各報社取材有源。又何至引狼入室。飲鴆止渴。乃通覽吾國新聞紙面。恰似遊觀吾國商埠市場。當面鋪陳。強半外貨。雖有標明國貨。而原料本質。仍係得自舶來。餘則多屬代售販賣之品而已。其故非因缺乏製造百貨之工廠之所致耶。通信社之與報社。猶工之與商。固不能分離而存者也。吾國